

1. Woisch Du, i han de oigentlich viel efter
Bsucha wella, Du woisch ja, wie des isch
Koi Zeit ond alles andre isch so wichtig
Ond an Haufa Zettel flagget auf am Disch

2. I han de bloß mol froga wälla,
Ob Dir vielleicht au was auffalla isch
Daß mr uns nämlich emmer ähnlicher werdet
Seit dem Jahr, wo Du so pletzlich ganga bisch,

Refr

Ond in Gedanga lachs Du hender deim große Glas Bier
ond zum erscha Mol trau i mir was, i dank dir dafür
Du hasch für uns a Läba lang gschaffet, und drum sag i Dir,
daß es gut gwä isch, wie Du warsch

3. Ond seitdem muß i oft an di denga,
Gschichtla von früher hasch verzählt
Und trotzdem muß i dir heit nomol ebbes saga
Mir hän uns kaum kennt, was me scho a weng quält

4. i weiß no, i war jong, und auf der Suche
Do hasch Du mir, koiner hätt des denkt
Trotzdem des finanziell gar net so leicht war
Mei erschte Gitarr gschenkt.

Ond in Gedanga lachs Du hender deim große Glas Bier
ond zum erscha Mol trau i mir was, i dank dir dafür
Du hasch für uns a Läba lang gschaffet, und drum sag i Dir,
daß es gut gwä isch, wie Du warsch

6. Die Zeit, die läuft jetzt für ons boide
I han die kaum kennt, was net so gut isch
Aber i treff di dort und i ben mir fascht sicher
mir werdet ons versteha, weil du doch mein Vadder bisch

Ond in Gedanga.....